

山右叢書初編書目提要

山西省文獻委員會發售山右叢書初編啓事

山西風氣閉塞先哲遺箸多淹沒不彰本會職司徵存文獻擬將歷年蒐求所得擇其要者刊行山右叢書現初編業已印竣共計三十七種四百三十餘卷內三十種係在本省排印七種係委託商務印書館北平分廠京華印書局影印所據均箸者原稿及舊刊善本海內承學之士諒必以先覩爲快也茲將書目提要及特價辦法分別於後即希

公鑒

中華民國二十六年五月 日

本會地址：太原皇廟東巷三號

山右叢書初編發售特價簡章

一、冊數 叢書三十七種排印者三十種約六千餘頁分訂一百冊印影者七種約三千二百餘頁分訂四十冊共計一百四十冊

二、書式 排印各書分晉造連史紙毛邊紙二種影印各書則爲中國連史紙版式縱十吋半寬六吋

三、定價 連史紙每部一百一十元毛邊紙每部一百元（連史毛邊之分祇就排印各書言之影印各書則全爲連史紙）

四、特價 連史紙每部八十元毛邊紙每部七十元（郵運及包裝費每部七元）

五、特價期限 民國二十六年六月一日起九月三十日止

六、寄書次數 本會收到書款及通知書後將書分兩次寄發先寄排印各種
續寄影印各種

山右叢書初編書目提要

周易史証四卷 附易傳偶解一卷

清臨汾彭作邦撰

據家刻本排印 字對山以詞林外官滇蜀晚隱林泉成是書其大旨以史証易略似宋楊誠齋易傳之體

尙書攷辨四卷

清安邑宋鑑撰

據嘉慶版排印 字元衡號半塘官至知府自閤若璩考定古文尙書之僞半塘實繼其業書只四卷經文僞經文諸書所引書詞及傳授考証淵源無不備具一辨今文古文僞古文傳述源流二辨古文經字異同三辨僞經文抄襲之

本四辨論語孟子春秋左傳國語禮記書序逸篇與僞古文殊異孫星衍曰宋氏書與閻君較簡樸過之清代山西學者治考據尊漢學者曰閻若璩曰張敦仁曰祁韻士曰張穆曰王軒半塘亦其一人也

論語贅言上下二卷

清安邑宋在時撰

據家刻本排印 字雅伯號野栢老人官至閣學半塘之父也慨當世讀朱註者但爲弋取功名計於是作此書引之身心之間証以當世之務融會旁通務求讀者有所感發曰贅言者謙詞也

讀孟子劄記

清永濟崔紀撰

據原刻本排印

字南有官至禮部侍郎此乃其官國子監祭酒時所作也推

闡孟子七篇之論皆根柢於大學丁亥歸里與游從之士重加研索遂爲定本
四書說六卷

明絳州辛全撰

據明版排印

字復元三晉理學學儒自薛文清而下首數先生生平著述甚

多今印一種以見其概

緯攬十四卷

清徐溝喬松年輯

據原刊本排印

字鶴儕官至督撫諡勤恪爲清季名臣其官京曹時以博洽

見推於同輩是書比次緯文不令與讖說相混精審絕倫與孫氏古微書用意

不同不可以輯佚之學視之

大唐創業起居注三卷

唐太原溫大雅撰

據善本排印 字彥宏原名彥宏字大雅是書有繆荃孫校本史家紀實之作可與唐書參証者也

從戎始末一卷

明沁水張道濬撰

據原抄本排印 先生爲張忠烈公銓之子是書所紀爲闖亂時賊魁王佳印犯晉前後攻守本末忠烈夫人霍氏守寶莊築假城以疑賊賊數攻不能破引去明史已載其事所謂夫人城者是也蓋一家并心報國卒有成功云

南遊記一卷

清興縣孫嘉淦撰

據祁校本排印 字錫公官至協辦大學士諡文定生平著述除奏議外多自焚毀南遊記乃其少作天下傳之有百齡祁墳諸家專刊本此據祁刊

萬里行程記一卷 附濛池行稿二卷年譜一卷

清壽陽祁韻士撰

萬里行程記年譜據家刻本濛池行稿據原稿排印 字鶴臯所著萬里行程記除家刻本外粵雅堂叢書亦曾收入濛池行稿則爲本會搜得者今合刊之先生西北輿地之學首開道咸同光風會雖零星短簡不可忽視也

西陲要略四卷 附西陲竹枝詞百首

清壽陽祁韻士撰

據家刻本及手稿排印 先生以事謫居新疆創爲此書又就十六城之風土產物作竹枝詞百首每首之後附以注釋要略一書世多有之矣然舉大端略小物著書各有體例也合之竹枝詞則觀者乃多興會故搜得抄本附之

萬卷精華樓藏書記一百四十六卷

清靈石耿文光撰

據原稿本排印 字斗垣舉人官教諭精於四庫提要之學殫力收書所藏至八萬卷晚年恐其散佚著爲是書自言用意有四一以自課一以砭俗一考藏書一當筆記舉凡一書之義理旨趣支流派別篇卷分合皆瞭若指掌其例則先彙史志窮源溯流繼則網羅羣籍備採諸說用朱竹垞經義之法而遍及四

部末則附以本書要語實治國學者之大門徑也全書二千五百餘頁占本叢書全部四分之一海內學者當先覩爲快矣

聞見瓣香錄十卷 附西湖竹枝詞一卷

清曲沃秦武域撰

據原刻本排印 字于鎬少年出宰關隴督運金川中歲以後足跡遍南北舉凡山川風俗物產莫不加意採訪尤於古今圖籍之原委金石碑版之存亡考訂翔實清代山西說部書潛邱劄記蘿磨亭札記號稱精博此書更以雅令爲宗方之明世都穆鐵網珊瑚體例略同而搜討之勤十倍勝之

綠溪語二卷

清黎城靳榮藩撰

據原刻本排印 字介人與錢辛楣王西莊紀曉嵐朱竹君周松靄范蘅洲爲進士同年歷宦中州畿輔之間所著吳詩集覽久已風行海內是書乃其公餘之暇隨筆紀錄其學既有原本故雖不經意之作亦異乎常流也

蘿摩亭札記八卷

清徐溝喬松年撰

據家刻本排印 此書以考據爲宗乃容齋隨筆困學紀聞一流古今此派著作已多非貫串百家篇有心得則雷同稗販亦令閱者生厭曾文正家書云今年湖南主考喬鶴儕在京師有淵博名諸弟入場不可不注意三場對策文字也其見推於一時名流如此以此編証之其得名豈偶然哉

文潞公文集四十卷

宋介休文彥博撰

據明嘉靖刻本排印 潞公事迹具史傳是集爲呂涇野巡按山西時所刊刻
行世甚希故極珍貴四庫所收亦即此本爲賦二卷詩六卷論序碑記四卷雜
文一卷奏議二十七卷共四十卷

西臺集二十卷

宋雲中畢仲游撰

據殿版排印 字公叔同平章事畢士安之曾孫事迹具宋史四庫提要言其
文章類東坡王芑孫論古文盛推西台集以世人不甚留意爲恨見朱墨本金
石三例眉批

莊靖集十卷

金陵川李俊民撰

據舊刻本排印 字用章文章理學經濟備於一身金集僅數家故藏書家尤珍之是集凡古近體詩六卷樂府一卷雜文三卷總爲十卷

常評事集四卷

明沁水常倫撰

據明嘉靖本排印 字明卿舉進士除大理寺評事才而蚤卒王弇洲稱其詩如沙苑兒駒驕嘶自賞是集爲其邑人韓范所編輯較四庫本所收者至多三倍

常評事寫情集二卷

（外包函單與常評事集并爲一種）

明沁水常倫撰

據明嘉靖本 明中葉時北方填曲家首康對山王漢陂先生更豪放不羈風流自賞是集爲先生之兄紫沙所輯譜詠遺聲實康王之勁敵

洎水齋文鈔三卷

明陽城張愼言撰

據舊鈔本排印 字金銘官至南京吏部尙書明亡僑居蕪湖疽發背死與錢謙益鍾惺等同年進士均以文章名世是集爲張伯埈所搜錄進呈四庫館者雖非全豹亦威鳳之一羽矣

洎水齋詩鈔五卷

(外包函單與文集并爲一種)

明陽城張愼言撰

據舊鈔本排印 四庫提要存目中畧論其文而不及詩詩沿鍾譚一派靈心

獨照妙趣天成與今日閩派詩格最近雖昔時所疑爲別調而今日則賞爲奇文矣其集舊列禁書目中幸而流傳宜如何珍視耶

自課堂集六卷

清武鄉程康莊撰

據陳其年選本排印 字崑崙三晉世家子少遊京師受知倪文正公元璐清初出判潤州適王漁洋司理揚州稱江上下二詩伯平生師友若錢牧齋吳梅村王西樵兄弟龔芝麓陳其年等均極口稱之陳選歸震川王于一侯朝宗及先生之文爲四大家文鈔三家有文無詩先生則詩詞附載蓋不能割愛也此集經錢牧齋陳其年選定凡文四卷詩二卷

王石和文九卷

清孟縣王珥撰

據晉陽書院藏版排印

字韞輝號石和以翰林告歸久掌晉陽書院教時文

負重名而所自喜者乃在古文有疑其不脫時文氣者然空靈渾浩轉變如神
自是眉山肖子

西北之文十二卷

清高平畢振姬撰

據原稿本排印

字亮四清初仕至湖廣布政使記誦博洽著述甚富文章仿

春秋內外傳及管荀諸子奧古沉鬱嘗自負爲司馬子長傳青主標其集爲西
北之文行世者寥寥僅四卷今刊本凡十二卷首尾完善惜尙缺其詩

續尤西堂擬明史樂府一卷

附論詩絕句六十首